

INUIT ATAQATIGIIT

INATSISARTUNI



Sisimiut, 1. september 2014

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.

(Inatsisartunut ilaasortaq Agathe Fontain, Inuit Ataqatigiit)

Apeqqut:

Qeqqata kommuniani upernaag isumasioqatigiinnermi Royal Greenland A/S neriorsuuteqarpoq, ukiaq manna september 2014-imi assagiarsuit Sisimiuni tunisaaqqilissasut. Royal Greenland-ip neriorsuutini tamanna qaqugu eqqortinniarpa?

Tunngavilersuut:

Sisimiut eqqaani assagiarsunniat upernaarli Royal Greenland A/S-ip piunasaqarnera malillugu Maniitsumut tunisiartortarsimapput, ilaatigut imaq ajortillugu ulorianartorsiorsinnaasarlutik.

Qeqqata kommuniani ineriartortitsinissaq siunertaralugu upernaag isumasioqatigiittoqarmat Royal Greenland A/S neriorsuivoq, ukiamut septemberimi 2014 assagiarsuit Sisimiuni tunisaaqqilissasut. September maanna aallartippoq susoqarnanilu.